



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ილდეღიზიდები

ილდეღიზიდები, ე ლ დ ე ღ ი ზ ი დ ე ბ ი, ფეოდალური დინასტია აზერბაიჯანსა და ჩრდილოეთ ირანში (1136-1225). დააარსა შამსადინ ილდეღიზმა (1136-74). აზერბაიჯანის მთავრის, ყიზილარსლანის (1186-91) სიკვდილის შემდეგ ხელისუფლებისათვის ბრძოლაში მის ძმისშვილებს შორის გაიმარჯვა აბუ ბაქრმა (1191-1210). ერთ-ერთი ძმა ამირ მირანი შირვანის შაჰს შეეხიზნა.

შირვანშაჰი საქართვე. მეფის ყმადნაფიცი იყო. მათ დახმარება სთხოვეს მეფე თამარს. საქართვე. ლაშქარმა აბუ ბაქრი დაამარცხა (იხ. შამქორის ბრძოლა 1195). ი-ის ძლიერება შეარყია მონღოლთა შემოსევამ (1220-22), ხოლო ჯალალედინმა (1225) საბოლოოდ გაანადგურა ი-ის სახელმწიფო.

ლიტ.: საქართველოს ისტორიის ნარკვევები, ტ. 3, თბ., 1979.
